

im vnd sprach: Das ist die bedeutung von den
drey Körben/drey tag/vnd nach dreien tagen
wird Pharaos dein Haupt erheben/vnd dich
an den liechten Galgen hengen/vnd die Vö-
gel werden dein Fleisch verzehren. Vnd es ge-
schah des dritten tags / das Pharaos seinen
Zahrstag begienge / vnd den Schencken wi-
derumb zu seinem Ampt einsetzet / aber den
Becken ließ er hengen. Der Schenck aber ge-
dachte stätigs an den Traum/vnd wie Joseph
ihm den außgelegt hette.

Vnd als nach zweyen Jahren dem König
Pharaos träumet / ein Traum / darab ihm sein
Geist betrübt ward / vnd nach allen Wahrsas-
gern in Egipten schicken ließ / im seine Traum
außzulegen / red der Schenck mit Pharaone /
vnd erzehlet ihm alle Geschicht / wie Joseph
ihm vnd dem Becken ihre Traum außgelegt
hette. Da sendet Pharaos nach Joseph / vnd er-
zehlet ihm seinen Traum / den ihm sonst nie-
mand von den Egiptiern hatte außlegen vnd
deuten können.

Darumb noch heutiges Tags ein Zanck
zwischen den Juden vnd den Heyden ist / vmb
die Ehr / von welchem theil die Göttliche
Kunst erfunden seye / dieweil solches die Ju-
den dem Joseph / dem Sohn Jacob zuschrei-
ben /